

# FRILUFTSBARNEHAGEN

Hausten 2018 tok arbeidet med å vidareutvikle engasjementet og interessa vår for ei friluftsatsing til. Valet er gjort ut frå kva vi tenkjer skal kjenneteikne vår barnehage, kva barn viser interesse for og kva vi vaksne glødar for. Alt dette finn vi rett utanfor barnehageporten, og med dette som bakgrunn ønsker vi å flytte læringa ut i naturen.

Hovudmålsetjing er;

**I Rosendal FUS barnehage brukar vi naturen som læringsarena heile året.**

Vi tenker at naturen gjev oss unike høve til å arbeide med alt frå grunnleggjande motoriske ferdighetar til sosial kompetanse, vennskap og språk. Arbeidsmetoden vår [KLARA SJØLV](#) passar godt inn i denne satsinga, då vi har fokus på at barn skal oppleve meistring og utvikling på ulike område. Barn får og finn sjølv utfordringar i naturen ut i frå alder og modning. Vaksne er aktive og deltagande i leik og aktivitet. Vi gjev støtte, oppmuntring og tilbakemelding.

Vårt slagord for friluftsatsinga er; **TUR MED RETUR.**

Dette slagordet kjem frå eit samarbeid mellom Tine.no, Hold naturen ren og Cecilie Skog der fokuset er å ta vare på naturen, rydde opp og ha med seg litt meir heim enn det ein tok med seg ut – bærekraftig utvikling. Dette passar rett inn i fleire av fagområda i Rammeplanen vår. Vi har i tillegg valgt å tolke slagordet med ein utvida forståing. Nettopp knytta opp mot innhald og fagområde i Rammeplanen.

I tillegg til miljøperspektivet i Tur med Retur vil vi ha fokus på at vi alltid skal ha med oss meir heim enn det vi tok med oss ut. Vår returlast skal innehalde alt i frå ny kunnskap, gode opplevelingar, auka omgrepsforståing, gryande vennskap, eit nytt skrubbsår eller skattar vi har samla. Det vi tek med oss i ryggsekken som returlast skal kunne gje inspirasjon til samtale, leik, læring og vidare arbeid i barnehagen. «Kva var det kjekkaste med turen i dag?», kan bli eit spørsmål vi stiller på heimvegen.